

Gero eta eremu zabalagoan

Astigarraga eta Hernani aldetik kanpoko eskualdeetan ere berreskuratzen ari dira usadioa

Ane Sarasketa / Donostia

SAGARDOTEGI garaia zabaldu berri da. Laurogei tolar sagardotegi baino gehiago izango dira Euskal Herri osoan. Bestalde, tolarerik gabeko sagardotegiak ere badira zazpi probintzietan sakabatuak. Hala ere, jende askok uste du sagardotegi garaia Hernani-Astigarraga aldearekin soilik dagoela loturik. Ez da hala. Gero eta gehiago dira Hernani-Astigarragatik kanpo diren dolare sagardotegiak.

Astigarraga, Hernani eta Urnieta aldetik kanpo usadioa zabalduz joan arren, egia da eskualde horretan biltzen dela sagardotegi gehien, 40 inguru. Izan ere, Gipuzkoa da, kopuruz, herrialderik aberatsena sagardotegitan. Hala dio Ataungo Urbitarte sagardotegiko Demetriok. «Egia da Hernani eta Astigarraga alde horretan eutsi diotela usadioari, baina sagardotegietara joateko ohitura urtetik urtera indartzen doa. Gu apur bat atzetik joan gara. Ez hala nahi izan dugulako, usadioa galdu egin zelako baizik. Gero berriz ere eutsi egin diogu»; azaldu du Demetriok. Sagardotegi garaia denean lana ez zaiela falta dio Urbitartek. «Egia esan, lan asko egiten dugu sasoi bera denean; nahiko ongi aritzen gara sagardogileok. Akaso jatetxe erako sagardotegiak dira garaian galtzen dutenak, apur bat. Dena dela, gure

eskualdean ere esango nuke usadioa berreskuratzen ari dela», gehitu du.

Probetan

Bestalde, orain jendeak sagardoa eta sagardotegiak probatzea gustuko duela diote Hernani-Astigarraga eskualdetik kanpoko sagardogileek. Tolosako Isastegi

sagardotegiko Miguel Mari Lasaren hitzetan, «jendea badabil hemendik hara eta handik hona. Gure kasuan, 15 urte daramatzagu lanean, eta jendeak etortzeko joera gero eta handiagoa du. Nonbait, gustatzen zaio sagardo ezberdinak dastatzea eta sagardotegiak ezagutzea jendeari. Badira baiña Astigarraga aldetik eta kanpotik

datozenak ere. Dena dela, gurera gehien etortzen zaizkigun bezeroak Tolosaldeko jendea da».

Dena dela, sagardotegi gehienetan gisa inguruko jendea afaltzera joaten omen da. Ikaztegietako Begiristain sagardotegiko Iñakik dio oraingoz jendeak afaltzeko ohitura duela sagardotegietan. «Sagardotegiak garran-

tzia du gure eskualdean ere, eta ohitura nagusia afaltzera etortzea izan ohi da. Eguraldia hobetzen duenean etorriko da jende gehiago bazkartzera», gehitu du gero. Hain kasuan ere, eskualdeko jendea joaten zaie batik bat, eta gero eta gehiago. Badirudi sagardotegietara joan eta sagardoa edateko usadioa zabalduz doala, poliki-poliki.



Miguel Mari Lasa, Insausti sagardotegikoa.



MENUA:
Makailu tortila
Makailu frijitua
Txuletoia



POSTREAK:
Gazta, menbriloa
eta intxaurrak

3.000 pzta.

☎ 945-38 61 31

LEZAMA-AMURRIO (Araba)

**BENETAKO
HERRI BAT
IRUÑEAKO
HIRIGUNEAN**

- ✓ Betiko Sagardotegi Menua dastatzeko leku original eta paregabe bat.
- ✓ Lagunak harrituta uzteko leku desberdin bat.
- ✓ M^a Jesus Erburu eta bere taldearen profesionaltasun eta esperientziarekin.

Bisita gaitzazu Tajonar kalean, 29 - IRUÑEA - Telefonoak: 948 15 23 00 - 948 15 34 07

KALEAN GORA
SAGARDOTEGIA

Aizoain sagardotegia

Benetakoa... urrutiago joan gabe.

Menua
Tortilak:
Bakailaoa,
Urdaiazpikoa edo
Txistorra

Bakailaoa
piperrekin

Txuletoia

Postreak
Gazta, irasagar-
dultzea eta
Intxaurrak
Prezioa:
3.200
bakarrik
BEZA barne

ORAIN da une egokia biltzeko lankideekin mahai on baten inguruan, edo familiarekin jai hauek ospatzeko.
HEMEN duzu, bere xarma guztiarekin: BENETAKO SAGARDOTEGIA, familiarra, atsegina, zuk zeuk zeure gustora zerbitzen duzun gure sagardoaz lagunduta.

...ETA ONENA: Hemen ondoan dago eta ez da inoiz ixten.

'Aizoain Sagardotegia', parekorik ez duen zaporea... inondik ere ez.

Mahai erreserbak
egiteko
Tel.: 948 - 30 31 92
30 22 79

AIZOAIN
Sagardotegia

Aizoain Industrialdea • GOLA zerbitzugunearen atzean